

ZACARÍAS

**Israelita ainan apuri
atin taatnaiti tusa
Zacarías etserkamu**

- 9** ⁹¡Yaakat Siónumia shuar
ainata senchi shir aneastarma!
¡Yaakat Jerusalénnumia shuar
ainata shir aneakrum kanta-
matarma!
¡Atumi apuri pegkerchaun taka-
chua nu,
tura nepetmauwa nu,
turasha nigka kakakchau jas,
burro uchirin ekeemas
wina nu iistarma! tusarum titin
ataarma, tusa tinaiti.^a
- ¹⁰ Efraín weantu carretari maa-
niaku wekatoi ainan emestuk-
tinaitjai.
Tura Jerusalénnumia caballo
maaniaku wekatoi ainancha
ijinatnaitjai.
Tura nagkiri ainancha kupirat-
naitjai.
Nuna tura nayantsanam matsa-
min aina,
entsa Éufratesnum matsamin
aina,
tura ashi nugka nagkatramunam
matsamin ainasha maanitsuk
agkan pujusarti, tusa tinaiti.

Tura ni apu jas inamratnaiti Yuus
tawai, tusa Zacarías tinaiti.

**Israel shuar ainan nita
nugken awakeartinaitjai
tusa Yuus timau**

- ¹¹ Wii atumjai chichaman umi-
kuitaj nu metek umiakrum,
atumka tagku numpe main
ainarme. Tuma asaakrumin
Israel shuar ainatirminka
achikar nugka taimunam
entsa atsamunam egkeam
pujumaina numamtuk,
achirmak chikich nugkanam
juramkiarmatai pujarmin wii
yaruakan atumi nugkenig
apujsan agkanmamtikatnait-
jarme.^b
- ¹² Atum achikmau ainatiram Yuu-
sapi yainmaktatjia tu
enentaimtursarum pujautir-
meka,
atumin yaaktarin waketskittarme.
Tura nuiyasha atum waittsau
akurmincha
atumnau yaunchuk ajakua nuna
inagkasan susattajrume tusan
tajarme.
- ¹³ Griego shuar ainanka,
Judá weantu ainajai,

^a 9.9 Mt 21.5 ^b 9.11 Mt 26.28; Lc 22.20

tura israelita ainajai maanim-
tikkun ijinatnaitjai, tusa
tinaiti.

- ¹⁴ Yuus ninu ainanka yaigtinaiti,
turamu asa Yuusa flechari aina
ekenmauka pem petuk uru-
kawa numamtuk jatnaiti.
Yuus kachun umpuartinaiti,
turak etsa watainmani
nasenam pachitkau winitnaiti.
- ¹⁵ Yuus ashi senchirtina nu,
ninu ainanka kuitamkatnaiti.
Turamu asa nita shuari ainanka
nita nepetkar ijinawartin aina-
wai.
Tura nita magkartutairi ainan
kupirartinaiti,
turawar shir ananak vinon
nukap umarartinaiti,
tumainak nampekua numamtuk
pampainiartinaiti.
Tagku aina maa patasa epetaim
ukattrartasa numpan tazónka-
nam yara aimin aina numam-
tuk,

shikika umutainam vinon yara-
war aimiartinaiti.

- ¹⁶ Nu tsawan jeakaigka
ovejan kuitamin ovejarin ayam-
rina numamtuk,
winau ainanka wii ayamrukti-
naitjai.
Turamu asar nita nugken wake-
tar pujusar etsegkrutai kaya
pegker aina
anujtura najanamu winchamtin
awa numamtuk,
nitaka eme anentsa iitai arti-
naiti.
- ¹⁷ Nu yaaktanmagka shir pegker
atinaiti,
Trigo aina, tura vino ainasha
shir nukap au asamtai nuna
yuina asar, tura nuna umuina
asar
uchi aishmag aina, tura uchi
nuwa ainaka
jamamtinchau kakaram pegker
tsakartin ainawai, tusa Yuus
tinaiti.